

Iroun Beretitenti Dieter F. Uchtdorf

Te Kauoman ni Kauntira n te Moan Beretitentii



# Tamara, Te Tia Kairiira

Ko a tia ni kauka te baoki ma mwakorokorona, ni kaotinakoa te kaetieti n aron kanimwana, ao n iango, “E a bon aki ota te aba iai”?

N tabetai, n aki tarai tamaroan ara iango ao onimakinara inanora, ti kaotinakoi mwakorokoro ao n titiraki, “Bwain tera anne?” ke “E na kanga n nim anne?”

E rikirake unin nanora ngkai ti taraa te bwaoki ao n noora te kauring ibukin te aki bukintaeka are e kangai, “Buatakina e kainnanoa—te ririki 8 ni waerake.” Ibukina bwa ti teimatoa n aki ataia, aio e aki karikirakea mwengaraoira ke onimakinara i bon ioura.

N tabetai iai aekakin are ti rinanona ma te euangkerio. Ngkai ti tarai mwakoro tabeua mai iai, ti kona ni ngongoi atura ao n titiraki ibukin tera anne. Ke ngkai ti taratara te mwakoro teuana, ti kona n ataia bwa imwiin ara kakatai ae korakora ni kan ata arona ae tabwanin, ti bon aki kona n iangoia bwa bukin tera e karinaki te mwakoro anne.

## Tamara are i Karawa te Tia Kairiira

Te kabwaia, Tamara are i Karawa e a tia n anganiira kaetieti aika tamaroa ibukin kateiraoan maiura ao ni kona ni karokoira n ara kabanea n tamaroa. Kaetieti akanne a mwakuri n aki tarai ara ririki ke arora. E a tia n anganiira te euangkerio ao ana Ekaretia Iesu Kristo. E a tia n anganiira te baire ibukin te kabooaki, te baire ni kamaiu, ao bon te baire ni kakukurei. E bon tuai ni katikuira n tii ngaira ma te aki koaua raoi ni bwaai ni kabane ke kakaewenako

inanon maiura, ni kangai, “An touanako kawaim. Tekeraoi. Iangoa arona.”

Ngkana ti bon taotaonakin n nano ao n taratara ma te nanorinano ao ni kauka ara iango, ti na kunea bwa te Atua e a tia n anganiira bwaai ni mwakuri aika a mwaiti bwa ti na kona riki n ota n Ana kaetieti ni bwaai ni kabane ibukin kukureira ni maiu:

- E a tia n anganiira te bwaintangira ae akea boona ae te Tamnei ae Raioroi, are iai ana anga ni kona n raoniira, ni kairiira mai karawa ngkai ti kamatebwaia ana taeka te Atua ao ni kataia n uoti ara iango ao ana mwakuri n irii nanon Ana taeka.
- E a tia n anganiira bwa ti na kona n roko irouna rinanon ara tataro n onimaki ao n anga ma nanora ni koaua.
- E a tia n anganiira abotoro ao burabeti ni boong aikai, ake a kaoti ana taeka te Atua inanon ara bong ni karekeia te kariaiakaki ni kabaeira iaon te aba ao i karawa.
- E a tia ni kaoka Ana Ekaretia—aia bootaki taan kakouua ake a uaia ni mwakuri n ibuobuoki imarenaia ngkai a mwakuriia kamaiuakiia ma te maaku, teruru ao te kukurei ae akea kabotauana.<sup>1</sup>
- E a tia n anganiira koroboki aika a tabu—Ana taeka ake a koreaki nakoira.
- E a tia n anga bwai ni mwakuri n rabakau aika a boou n taai aikai bwa e na buokiira n nakonakora n riki bwa ana reirei. Mwaitin bwaai ni mwakuri aika a kakaawaki aikai a kona ni kuneaki n LDS.org.

Bukin tera Tamara are i Karawa e anganaiira te buoka ae mwaiti? Ibukina bwa E tangiriira. Ao ibukina, ngkai E a tia n taekinna bwa bon, “Ana mwakuri ao Mimitongina—bwa e na uota te aki mamate ao te maiu are akea tokina nakoia aomata.”<sup>2</sup>

N taekinana teuana, Tamara are i Karawa bon Atuara, ao te Atua te tia kairiira.

Tamara are i Karawa e atai bwaai aika a kainnanoi riki Natina nakon riki temanna. Bon Ana mwakuri ao mimitongina bwa e na reitinako ni buokiira, n anganiira bwaai aika a na kona ni buokiira iaon kawaira n oki nako Ina.

### Kaaro n tatabemaniiia nako Bon taan Kairiiri

N tabo tabeua n te aonaaba, kaaro a karineaki irouia utu ao te botannaomata inanon te namwakaina ae Tuun. Bon te bwai ae tamaroa n tainako te karinerine ao te ongotaeka nakoia ara karo. Kaaro a karaoi bwaai aika a mwaiti aika raraoi nakoia aia utu ao iai anuaia aika karineaki ake a butimwaeaki. Uoua mwakuri aika a kakaawaki n nakoia kaaro inanon maiuia natia bwa bon te banna ni katoto ae tamaroa ao te tia kairiiri. Kaaro e mwaiti riki ae a karaoria nakon tuangakiia natia te bwai ae e eti ke e kairua; a karaoa riki ae e mwaiti nakon are a kareia n te manuo ao ni kantanningaia bwa a na kona n iangoa aron maiuia i bon irouia.

Kaaro a kairiia natia aika moan te kakaawaki ao a kaota te banna ni katoto nakoia n aron maiuakinan te kokoaua. Kaaro aki katikuia natia i bon irouia ma a kawaekoa ni buokiia, ni buokiia ni kateia iaon waeia n te tai are a tatanako iai. Ao n tabetai ngkana ai bon te bwai ae riai ni karaoaki, kaaro a kariaia natia bwa a na korakai, n ataia bwa aio te kawai ae te kabanea n tamaroa bwa a na reiakinna.

### Ngaira ni Kabane Bon Taan Kairiiri

Ngkai kaaro iaon te aba a karaoa aio nakoia natia, tamnein te kairiiri bon te bwai ae ti kainnanoia n anga nakoia natin te Atua ni kabane, n aki taraa te ririki, tabo, ke te aro. Uringnga, natin te Atua bon tarira ao mwanera; ngaira ni kabane ti bane n roko man te utu ae akea tokina.

N te aro aei, ti na bane n riki bwa taan kairiiri—ingainga n rootia ao ibuobuoki n riki bwa aomata aika kabanea n

tamaroa. Ibukina bwa ngaira natin te Atua, iai ara kona-bwai n riki n ai Arona. Tangiran te Atua ao raora, kawakanan ana tua te Atua, ao irirakin ana banna ni katoto Kristo bon te kawai ae eti, man irariki ao e kakukurei n oki rikaaki nako mataia ara karo ake i Karawa.

Ngkana Atuan te aonaaba e rang n tabeakiniiira n te aro are E riki bwa te tia kairiira, tao ngaira naba ti kona n rootia raora, n aki tarai kunia, reeti n aomata ra, tein kaubwain abaia, aia taetae, ke aia aro. Ti na riki bwa taan kairiiri aika kairaki ao ni kakabwaiai maiuia tabeman—tiaki tii nakoia natira ma nakoia natin te Atua ni kabuta te aonaaba.

### BWAII AIKA A NA TARAAKI

1. Taraa Makuri 13:52; I-Biribi 2:12.
2. Mote 1:39.

### REIREI MAN TE RONGORONGO AEI

Ko na bae n tangiria ni waaki moa n titirakinii naake ko reireiniia bwa a na iango tabeua te tai n te tai are e kairiia iai Tamara are i Karawa. Ko kona ngkanne n titirakinii bwa a na iangoa aekakin te tai anne ao te tai are a namakina iai kairakiia iroun Tamaia are iaon te aba. Kaoia bwa a na korei bwa a kanga n titebo aekakin kairiiri akanne. Ko kona n anganiia te kakaewenako bwa a na kataia n riki bwa banna ni katoto ni bwaai ake a korei ni katamaroa bwa te banna nakoia tabeman.

### ATAEI

### Ana Ibuobuoki Tamara are i Karawa

bukina bwa e tangiriira Tamara are i Karawa, e anganiiira bwaai ni mwakuri aika bat, ke bwaintangira, bwa buokara. Aika inano bon tabeua man bwaintangira ake E anganiira. Ko na kanga ni kabonganai bwaintangira aikai ni kakabwaia maium ao ni kakabwaiaia tabeman?

mwaakan te nakoanibonga  
te tataro  
te tangira ibukiia tabeman  
abotoro ao burabeti  
koroboki aika tabu



# Otenanti ao Berita aika tabu n te tembora

Tataromwaaka ni kamatebwiaia te bwai n reirei aei ao n ukoria bwia ko aonga n ataia bwa tera ae ko na tibwaia. E kanga otam n “Te Utu: Te Katanoata nakon te Aonaaba” e karikirakea am onimaki iroun te Atua ao ni kakabwaiatia naake ko tararuuaia rinanon te kakawari n reirei? Ibukin rongorongona riki tabeua, nakon te [reliefsociety.lds.org](http://reliefsociety.lds.org).

**N**i kabane otenanti aika riai ibukin te kamaiuaki ao te karietataaki a raonaki n taian berita aika tabu ma te Atua. “Karaaoan ao kawakinan te berita ae tabu nanona ti rinea ni kabaeira nakon Tamara are i Karawa ao Iesu Kristo,” e taku Linda K. Burton, te Beretitenti ni Kabuta n te Bootaki n Aine.<sup>1</sup>

Unimwane Neil L. Andersen man te Kooram n Abotoro n te Tengaun ma Uoman e taku, “e taku te Uea, ‘Inanon taian otenanti . . . e kaotaki mwaakan mimitongin te atua.’

“Iai kakabwaia aika onoti mai iroun te Atua nakoia aomata nako ake a tau ake a bwabetitoaki, man karekea te Tamnei ae Raoiroi, ao ni kana te toa n tainako.”<sup>2</sup>

“Ngkai mwane ao aine a nakon te tembora,” e taku Unimwane M. Russell Ballard man te Kooram n Abotoro n te Tengaun ma Uoman, “a uaia n entaute n te mwaaka ae ti te arona, are mwaakan te nakoanibonga . . .

“. . . Ni kabane mwane ao aine a kona ni karekea te mwaaka aio ni ibuobuoki inanon maiuia. Ni kabane ake a tia ni karaoi berita aika

tabu ma te Uea ao a karinei berita akanne a kona ni karekei kaotioti mai karawa, ni kakabwaiaki man aia ibuobuoki anera, ni mwakuri ao n tibwai aia bwai ma te Atua, ni karekea bwaninin te euangkerio, ao n tokina, n riki bwa taan bwai-bwai irarikin Iesu Kristo n ana bwai Tamara are i Karawa.”<sup>3</sup>

## Rakan riki Booki aika Tabu

1 Nibwaai 14:14; Doctrine ao Covenants 25:13; 97:8; 109:22

## Karakinaia n Taai Aikai

Inanon 2007, aua te bong imwiin te mwaieiai ae korakora i Peru, Unimwane Marcus B. Nash man te Itingaun e kaitibo ma beretitenti Wenceslao Conde ma kainnabana, Pamela. “Unimwane Nash e titirakina Titita Conde bwa a uara natina. Ma te moangare, e kaeka bwa rinanon ana nanoanga te Atua a bane ni marurung man kawakinaki. E titiraki ibukin mweengan Condes.

“Ai akea,’ e taetae ma te raunnano.

“. . . ‘Ao n anne,’ Unimwane Nash e kaeka, ‘ai bon te momoangare iroum ngkai ti taetae.’

“‘Eng,’ e taku, ‘I a tia n tataro ao e a rau nanou. A bane n reke bwaai aika ti kainnanoi. Iai naake ti kainnanoia, iai natira, ti kabaeaki n te tembora, iai te Ekaretia ae tamaroa, ao iai te Uea. Ti kona ni manga kateitei ma ana ibuobuoki te Uea.’ . . .

“Tera aron karaaoan ao kawakinan te berita ae tabu ma te Atua are e anganiira te kona ni moangare rinanon te kanganga, ni bitia nakon te tokanikai . . . ?”

“Oina bon te Atua. Rokora n te mwaneka anne bon rinanon ara berita aika tabu ma Ngaia.”<sup>4</sup>

## BWAAI AIKA A NA TARAAKI

- Linda K. Burton, “Te Mwaaka, Kimwareirei, ao Tangiran Kawakinan Berita aika Tabu,” *Riaona*, Nobembwa. 2013, 111.
- Neil L. Andersen, “Mwaakan te Nakoanibonga,” *Riaona*, Nobembwa. 2013, 92.
- M. Russell Ballard, “Mwane ao Aine n ana Mwakuri te Uea,” *Riaona*, Eberi. 2014, 48–49.
- Taraa D. Todd Christofferson, “The Power of Covenants,” *Riaona*, Meei 2009, 19, 20–21.

## langoa Aio

A kanga otenanti n te tembora ao berita aika atabu ni kakorakoraira ao n anganiira te mweengaraoi?